



Inatsisartuni Ilaasortat Sivert K. Heilmann aamma Knud Kristiansen, ATASSUT
MAANNI

Utoqqalinersiallit ukiuisa qaffanniarneqarnerisa kingunerisaannik aalisartut piniartullu inuussutissarsiuteqartuarsimasut piniarnermik allagartamik annaaneqannginnissaata qulakkeerniarneqarnerisoq pillugu Naalakkersuisunut apeqqummut nr. 68-imut akissut

10. mar 2011
Sagsnr. 2011-047417
Dok. Nr. 583307

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail:
apnn@nanoq.gl
www.nanoq.gl

Inatsisartut suleriaasianni 37 imm. 1 naapertorlugu utoqqalinersiallit ukiuisa qaffanniarneqarnerisa kingunerisaannik aalisartut piniartullu inuussutissarsiuteqartuarsimasut piniarnermik allagartamik annaasaqannginnissaanut periarfissat pillugit Naalakkersuisunut apeqquteqarputit. Apeqquteqaat uanga suliaasaqarfinit kiisalu Isumaginninnermut Naligiissitaanermullu Naalakkersuisoqarfimmit akisassanngortinneqarpoq.

Inunnik Isumaginninnermut akisussaassuseqarfik akissuteqaammut uunga ilassuteqaateqarpoq.

Akissuteqaat pingasunngorlugu agguataarneqarpoq:

- 1) Utoqqalinersiaqalersartut ukiuisa inatsisitigut allanngortinnerisigut piniarnermik allagartamik annaasaqannginnissaq qulakkeerneqarsinnaava?
 - i) Piniarnermut allagartat pillugit naatsumik nassuiaateqarneq.
 - ii) Utoqqalinersiat pillugit inatsit naatsumik nassuiaassutigineqarnerat.

1) Utoqqalinersiaqalersartut ukiuisa inatsisitigut allanngortinnerisigut piniarnermik allagartamik annaasaqannginnissaq qulakkeerneqarsinnaava?

Apeqqutersi naatsumik akissagaanni naaggamik akineqassaaq. Utoqqalinersiaqalersinnaanermut ukiunik killigititap allanngortinneqarneratigut, piniarnermut allagartartaarsinnaaneq sunnerneqarsinnaanngilaq. Inuussutissarsiutigalugu piniarnermut allagartamik tunineqarsinnaaneq assigiinngitsunik piunasaqaatitaqarpoq, ilaatigut qinnuteqartup isertitaatigut, utoqqaassuserli pinnagu. Uani allakkiami oqaaseq *piniarnermut allagartaq*, *inuussutissarsiutigalugu piniarnermut allagartatut* paasineqarpoq, tassungalu piunasaqaatit matumani erseqqissarneqarput.

Paasivara Akileraartarnermut Atugarissaarnermullu Ataatsimiititaliap isumaliutissiissummini ilaatigut siunnersuutigigaa utoqqalinersiaqalersartut ukiuisa qaffanneqar-nissaat. Erseqqissaatigissavara Ataatsimiititaliap siunnersuuterpassuisa taana ilaannarimmassuk, innersuussutigineqartullu isummerfigineqartinnagit Naalakkersuisunit misissoqqissaarneqartussaammata.

llanngullugu erseqqissaatigissavara utoqqalinersiutinik pisartagaqarnermut imaluunniit utoqaalinersiutisisartut ukiuisa qaffanneqarsinnaanerinit kiisalu piniarnermik allagartaqalersinnaanermut / allagartaqaannarsinnaanermut apeqqutit toqqaannartumik imminnut attuumassuteqanngimmata. Pineqartummi tamarmik immikkut assigiinngitsunik malittarisassaqaartinneqarput, tullinnguuttuni erseqqinnerusumik allaaserineqartutut.

Apeqqutigisassinnut tunngatillugu inatsisit marluk kalluarneqarput tassalu i) piniarnermut allagartat kiisalu ii) utoqqalinersiutit. Inatsisit pineqartut naalakkersuisoqarfinnit marlunniit akisussaaffineqarput, uangalu i) piniarnermut allagartanut tunngasut saqqummiutissavakka Inunnik isumaginninnermut akisussaassueqarfimmit ii) utoqqalinersiutinut tunngasut.

i) Piniarnermik allagartanik tunniussisoqartarpoq Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersumi kingullermillu nr. 1 16 maj 2008-imi allanngortinneqartumi piumasaqaatit naapertorlugit. Aalisarsinnaassagaanni / piniarsinnaassagaanni piumasaqaataavoq inuussutissarsiuutigalugu- imaluunniit sunngiffimmi aallaaniarsinnaanermut akuerisaasumik peqarnissaq. Inuussutissarsiuutigalugu piniarnermut aallaaniarnermullu akuersissut taamaallaat tunniunneqarsinnaavoq takujuk. § 4 1) inuiaqatigiinnut kalaallinut aalajangersimasumik attuumassuteqartunut, 2) Kalaallit Nunaanni najugalittut inuit nalunaarsorsimaffiannut nalunaarneqarsimasunut Kalaallit Nunaannilu najugalittut ukiuni qaangiuttuni marlunni nalunaarsorneqareersimasunut, 3) Kalaallit Nunaannut tamakkiisumik akileraartussaataasunut, Kalaallit Nunaannilu ukiuni qaangiuttuni marlunni tamakkiisumik akileraartussaataasunut, kiisalu 4) piniarnermit, aallaaniarnermit aalisarnermillu isertitaqartunit isertitat tamarmiusut ikinnerpaamik 50%-iisa nalinginik. Taakkunani immikkut akuersissuteqarnissamut periarfissaqarpoq. Inatsisip sinaakkutaanni utoqqalinersiat ataatsimilluunniit taanneqanngillat.

Inuussutissarsiuutigalugu piniarnermut allagartat pillugit Namminersornerullutik Oqartussat nalunaarutaat nr. 20, 27. november 2003-meersumi inatsimmi piumasaqaataasut allaaserineqarsimapput tassanilu utoqqalinersiat utoqqalinersiallu ukiunut tunngasut ataatsimilluunniit taanneqanngillat.

Kingulliullugu taasinnaavara sunngiffimmi aallaaniarsinnaanermut allagartat pillugit Namminersornerullutik Oqartussat nalunaarutaat nr. 21, 28. november 2003-meersoq, tassani piumasaqaavortaaq Kalaallit Nunaanni najugalittut inuit nalunaarsorsimaffiannut nalunaarneqarsimanissaq aammalu piumasaqaataalluni iuit aqqaneq-marluk inorlugit ukiullit sunngiffimmi aallaaniarsinnaanermut allagartartaarsinnaanngitsut.

Piniarsinnaanissamut akuersissutinut tunngatillugu, aalisarneq piniarnerlu pillugit akisussaassuseqarfimmi annerpaamik qassinik ukioqartariaqarnissamik piumasaqaatinik allassimasoqanngilaq. Inuussutissarsiuutigaluguli akuersissummik isertitat aallaavigalugit akuersissuteqartoqartarpoq. Piniagassat ilaat piniarnermut allagartat marluusut atorlugit piniarneqarsinnaasarput piniagassallu ilaat piniarnermut allagartat marluusut atorlugit tuniarneqarsinnaasarlutik (piffimmiit piffimmut assigiinngissutit). Sunngiiffimmi piniarnermut allagartanut inatsisitigut isertitat killigi

pillugit piumasaqaateqartoqanngilaq, piniarnermut allagartap taamaattup pineqarsinnaanissaa pillugu.

Piniarnermut allagartat pillugit inatsisit www.nanoq.gl –mi, Aalisarnermut, Piniarnermut Nunalerinermullu Naalakkersuisoqarfik – Inatsisiliorneq – Piniarnermi aallaniarnermilu tunngasuni inatsisit – Piniarnermi aallaaniarnermilu tunngasuni nalunaarutit atuuttut –ni atuarneqarsinnaapput.

ii) Utoqqalinersiat pillugit inatsisinik naatsumik nassuiaat.

Utoqqalinersiaqartitsinermi Inatsisitigut tunngaviuvoq Inatsisartut utoqqalinersiat pillugit peqqussutaat nr. 3, 7. maj 2007-meersoq, kingusinnerusukkut allannguutai, Namminersornerullutik Oqartussat utoqqalinersiat pillugit nalunaarutaat nr. 14, 27. juni 2007-meersoq, kiisalu Utoqqalinersianut akit akissarsianullu killigitat pillugit Kaajallaasitaq nr. 269, 1. januar 2011 atuutilersoq.

Utoqqalinersiaqalersinnaanermut piumasaqaataavp, qinnuteqartoq Danmarkimi innuttaasutut pisinnaatitaassasoq, kiisalu minnerpaamik ukiut pingasut Kalaallit Nunaanni, Danmarkimi Savalimmiuniluunni najugaqarsimanissaa.

Utoqqalinersiat 65-nik ukioqalersimanermi qaammatip aallaqqaataani pineqarsinnaalissapput. Utoqqalinersiaqalernissaq qinnuteqaatigineqassaaq. Utoqqalinersiat pineqarsinnaalernerannit naatsorsorneqassapput, ukiup sinnerani isertitaviumaagassat aallaavigalugit. Naatsorsuinermi isertitaviusut ilisimaneqarpata, isertitaviusut aallaavigineqassapput.

Utoqqalinersiat annertussusaat ukiut tamaasa nalimmassarneqartarput, saniatigut isertitat annertussusaat aallaavigalugit. Utoqqalinersiat annertussusaat saniatigullu isertitat killigi, akit isertitallu killigi pillugit kaaviiartitami takuneqarsinnaapput. Saniatigut isertitat aningaasarsiaasinnaapput, atorfilltut utoqqalinersiaasippaut, assasornermit kalaaliminernillu tuniniaanermi isertitaasinnaapput, erniatigut isertitaasinnaapput, sulisartoqarnermit utoqqalinersiaasinnaapput, namminerlu katersanik utoqqalinersiaasinnaallutik.

Inuttut isertitatigullu atukkanik annertuunik ataavartunillu allannguuteqarpat, utoqqalinersiat naatsorsorneqassapput pissutsit piviusut aallaavigalugit. Tamanna pissaaq utoqqalinersiaqartumut aningaasaqarnikkut atungassarisai qaffariassagaluarpata, appariararaluarpataluunniit.

Utoqqalinersiat qinnuteqartunut/utoqqalinersialinnut tamanut isertitat malillugit nalimmassagaapput, namminerlu isaatitsinissamik killilersuisuunani, tamanna kissaatigineqassappat.

Kikkulluunniit utoqqalinersiaqalersinnaanermut ukiut killissarititat angugunikkit, 65-liinerminnut atatillugu kigusinnerusukkulluunniit utoqqalinersiaqalernissamik qinnuteqarsinnaapput. Utoqqalinersiaqalernissamik qinnuteqarnissaq piumasaqaataanngilaq, tamanna piumanngikkaanni, imaluunniit suli suliffeqaraanni,

aamma isertitaqaraluaranniluunnit utoqqalinersiaqalersinnaanermut piumasaqaatinik
eqquutsitsiunnaartunik.

Qinnuteqartut maluginiagassaat tassaavoq, piffissaq qinnuteqarfiusoq
aalajangiisuummat ullumit sumit utoqqalinersiaqalersinnaanissaq.

Utoqqalinersiat pillugit inatsit www.nanoq.gl –mi, innuttaasunut – isumaginninnermut
pissutsit – malittarisassat atuuttut ataanni atuarneqarsinnaapput.

Inussiarnersumik inuulluaqqusillunga

Ane Hansen